

Fögl Ladin

Giazetta independenta
per l'Engiadina,
la Val Müstair e Bravuogn

anneda 52 fr. -.80

telefon 082/65228

telefax 082/63946

QUARTA
LINGUA

Combinaziun d'inserat
culla

GASSETTA ROMONTINA

Scuol

Galleria Cafè Benderer, Scuol

Exposiziun da quaders d'acril

L'artist *Vlado Franjevič* expuona seis quaders, pitturas in culur sün acril, i'l Cafè Benderer aint il Center Augustin a Scuol. Quist cafè es güst predestinà sco lö d'exposiziun chi's pudess eir nomnar galleria.

Vlado Franjevič es naschü l'an 1963 a Martinac, ün lö illa Croazia, ingio chi cumbattan pel mumaint frars

cunter frars. El disch, cha in ün pajais ingio chi regna la fomina, nu saja plazza per l'art. El ha frequentà l'an 1984 la Scoula da pitturas ed ha fini seis stüdis a Zagreb.

L'artist Franjevič ama la pittura ed in special la pittura sün acril, ingio ch'el po far ressortir seis sentimaints e laschar discuorrer las culuors. Ed in vardà, quellas attiran l'ögl dal visitadur. Vainch quaders rapreschain-tan plüs motifs our da la vita. Motifs da culuors plü finas sun ils *Utschels*, *L'attempà e seis chan*, *Il monumaint dal pitschen chavagl*. *Las re-clamas sün Piccadilly* han culuors plü vivas e pregnantas. Quist ed oters quaders fan grond'impreschiun. L'artist ha trists algords in quai chi riguarda sia patria, ch'el sto tscher-char in pajais ester sia motivaziun per pitturar e's guadagnar uschè si'existenza. Una visita al Cafè Benderer as poja be racumanidar.

L'exposiziun es averta amo fin als 30 settember 1991. -an